

難痛苦之名地平如鏡七寶莊嚴所受之身  
 六根清靜不染六塵常聞我說法增益智慧  
 今能如是發無上智慧心欲救一切苦惱令  
 諸眾生皆能聞法最為利益惟有薄福之人  
 信根下劣雖聞是法多生障礙自沈苦趣永  
 無出期如此之人亦難救度而說偈曰  
 汝觀世人一切障難 煩惱之患亦難可說  
 不知迴向終日積聚 既復得已復生貪求  
 種種諸罪無量無邊 或遇重病空喪身命  
 既沒之後還歸苦輪 若不聞法永無解悟

無量意經靈符

素端爾靈  
 爾靈靈靈  
 靈靈靈靈

太清境無量意經終

太上三十六部尊經

太清境集宮經第十

我若演說今汝等諸天諸仙諸大真人及諸  
 聖眾等皆因妙法智慧高明咸同一類無復  
 殊異容色微妙道行自然聲音和雅所居宮  
 觀隨意高下應念具足無量寶網及諸寶樹  
 彌覆其地自然清風吹諸寶網及諸寶樹發  
 微妙音有過其風皆能令諸塵勞不起其風  
 拂身自得清涼無量快樂散諸香花徇滿其  
 地隨色次第而不雜亂於其國中無限至真  
 一切得道諸天真人大神各各放千百光明  
 普為十方微塵世界開演妙法普度群生若  
 復有人正智圓滿生彼國者皆即住於正定  
 隨其惡業高下不同為其開演上乘中乘下  
 乘各隨智願是時十方國土無量真人及諸  
 仙眾皆詣此所恭敬供養聽受經法宣揚道  
 化其有眾生於此國來詣其宮皆具智慧時  
 諸真人及諸仙眾乘茲無量大功德力無量  
 大智慧力無量大神通力去來無礙徧滿十  
 方無量世界自然化生應念而至是諸真人  
 出微妙音讚嘆喜事聽受經法歡喜無量乘

空步虛能令聞者心開意解隨其善音而得  
 正果時有微風吹起七寶樹中自出微妙音  
 聲奏諸天妙樂自然快樂不可勝言所說諸  
 法其義廣大利益眾生於其國中無我無人  
 清靜無為智慧常勝得如是報若復有人雖  
 受人身殊無智慧信根下劣不聞正法不見  
 妙道宿集淺故得如是報於是至真大聖天  
 真大聖無量飛天大神聞是語已成生恭敬  
 稽首長跪上白

天尊曰臣等既蒙說法而得如是利益幸望  
 大慈廣為救護欲使一切未聞者聞未見者  
 見亦令諸一切眾生受諸苦者咸得解脫  
 天尊曰善哉汝等發此善念是大不可思議  
 功德我今為汝宣揚正法諸品願謝令於甲  
 子庚申三元八節本命生辰祈恩請福謝過  
 獲災同得快樂而說偈曰  
 我示此法直作是言 心歡喜故種種所患  
 即得除瘴平復如本 一切諸法亦復如是  
 而無所得無所得耶 有何所得了不得耶  
 善者智得念念是心 常得法味精進賢達

集宮經靈符

蘭 蕙 薜 薜 薜 薜  
薜 薜 薜 薜 薜 薜  
薜 薜 薜 薜 薜 薜

太清境集宮經

太清境黃庭經 第十一

人物異形受生惟一氣竟得之於天體竟得之於地無形無象自空中來但假父母以無為有三百日胎完胎完既足則生是因無為有故神以氣為母氣以形為舍鍊氣成神鍊形成氣陽神未聚三花不入泥丸真氣未朝五彩不生丹闕故天地大也未免輕清重濁之象日月明也難遊圓明缺闇之形積陽生神上以麗乎天者星與辰積陰生形下以壯乎地者土與石水中氣昇昇而為霧為雲氣

中水降降而為雨為露萬象群生不能無形集靈以生資道以成故三清以下有三大三太之內有二儀二儀既判而列五帝五帝既立而同一區此天地之內上下之氣惟人以精為母以氣為主五臟各有精精中生氣五臟各有氣氣中生神神能生壽長生保命鍊精為丹養氣為神真仙上聖修真養氣自然而然內真外應有作必成自凡入聖男子之生先生右腎以外精而內血陰之裏也女子之生先生左腎以外血而內精陽之裏也腎生脾脾生肝肝生肺肺生心心生小腸小腸生大腸大腸生膽膽生胃胃生內腎內腎生膀胱膀胱生三元三元生三焦三焦生八脉八脉生十二經十二經生十五絡十五絡生一百八十絡絡一百八十絡絡生一百八十絡絡一百八十絡絡生三萬六千孫絡三萬六千孫絡生三百六十五骨三百六十五骨生八萬四千毛竅胎完既足靈光入體與母分離而為人也以內外言之經絡之內而為內肌膚之外而為外養命養其五臟五臟為

根根固葉自茂矣養形養其五氣五氣為源源深流自長矣真氣大運隨天元氣真氣小運隨日元氣五臟之中腎為精海心為氣館真精在腎餘精自還下丹田真氣在心餘氣自朝中元悉歸黃庭正景而說偈曰

思道出家接引衆生令得離苦得聞道法饒益一切無量衆生得大神力悉從道成得無所畏神通自在去來往返無所障礙故有斯法濟度群生識法宗本入道因緣

黃庭經靈符

瑛 瑛 瑛 瑛 瑛 瑛  
瑛 瑛 瑛 瑛 瑛 瑛  
瑛 瑛 瑛 瑛 瑛 瑛

太清境黃庭經